

## S A M Þ Y K K T

um lokunartíma sölubúða og sölustaða og takmörkun  
á vinnutíma sendisveina í Ólafsvík.

## 1. gr.

Sölubúðum í Ólafsvík skal lokað eftir því sem ákveðið er í 2., 3. og 4. gr. samþykktar þessarar. Sama gildir um sölustaði, þar sem innlendur varningur er hafður á boðstólum og hans ekki neytt á staðnum.

## 2. gr.

Alla virka daga ársins skal sölubúðum og sölustöðum lokað eigi síðar en klukkan 6 síðdegis og þær eigi opnaðar aftur fyrr en klukkan 8.30 árdegis næsta virkan dag. Þó skulu vera þær undantekningar frá þessu er nú skal greina:

Aðfangadag jóla og gamlársgdag skal sölubúðum og sölustöðum lokað eigi síðar en klukkan 1 síðdegis. Síðasta virkan dag fyrir aðfangadag jóla er heimilt að halda sölustöðum opnum til miðnættis, svo er og heimilt að hafa opið til kl. 10 síðdegis einn virkan dag á undan þessum degi, skömmu fyrir jól.

Á tímabilinu frá 1. maí til 30. sept. skal á laugardögum loka sölubúðum og sölustöðum eigi síðar en klukkan 12 á hádegi. Á tímabilinu 1. október til 30. apríl skal á laugardögum lokað eigi síðar en klukkan 1 síðdegis.

Alla föstudaga má hafa opið til klukkan 7 síðdegis.

## 3. gr.

Almenna helgidaga, sumardaginn fyrsta, 17. júní og fyrsta mánudag í ágúst-mánuði mega engar sölubúðir eða sölustaðir vera opnir.

Hinn 1. maí og 1. desember skal öllum sölubúðum og sölustöðum lokað klukkan 12 á hádegi, ef þessa daga ber upp á virka daga.

## 4. gr.

Frá ákvæðum um lokunartíma sölubúða og sölustaða í samþykkt þessari skal sú undanþága vera, að brauðsölubúðum og mjólkurbúðum má halda opnum eingöngu til sölu á brauði, kókum og mjólk, rjóma og skyri, sem hér segir:

Almenna helgidaga, sumardaginn fyrsta, 17. júní og fyrsta mánudag í ágúst-mánuði frá kl. 9 árdegis til kl. 12 á hádegi. Þó skal loka páskadag, jóladag og nýjársgdag svo sem öðrum búðum.

Aðfangadag jóla og gamlársgdag til kl. 4 síðdegis.

Fyrsta sunnudag í sjövíknaföstu frá kl. 9 árdegis til kl. 4 síðdegis.

Laugardaga til kl. 4 síðdegis.

Almenna helgidaga, aðra en stórhátíðir, svo og almenna frídaga, má þó jafnan hafa aðalbúð hvers brauðgerðarhúss opna frá kl. 9 árdegis til kl. 12 á hádegi.

## 5. gr.

Eftir lokunartíma sölubúða og sölustaða er óheimilt að selja á strætum úti og torgum eða annars staðar utan sölustaða og sölubúða nokkurn þann varning, sem ekki má selja nema samkv. verzlunarleyfi.

## 6. gr.

Menn, sem komnir eru inn í sölubúð eða sölustað fyrir lokunartíma, er heimilt að afgreiða eftir að lokað er.

Matvæli til skipa, sem eru að leggja úr höfn, er heimilt að afgreiða eftir lokunartíma. 86  
10. apríl

## 7. gr.

Vinnutími sendisveina, er starfa hjá hvers konar verzlunar- eða iðnfyrirtækjum eða skrifstofum í Ólafsvík, skal eigi vera lengri á hverjum degi en hér segir:

Fyrir sendisveina á aldrinum 12—14 ára 8 klst. á dag.

Fyrir sendisveina á aldrinum 14 ára og eldri 9½ klst. á dag.

## 8. gr.

Útsending á vörum, bréfaburði og innheimtu, er sendisveinar starfa að, skal lokið eigi síðar en 1 klukkustund eftir lokunartíma sölubúða og sölustaða, verkstæða eða skrifstofu, og daginn fyrir almenna frídaga eigi síðar en tveim klukkustundum eftir lokunartíma.

## 9. gr.

Hreppstjóra er heimilt, þegar sérstaklega stendur á, að veita undanþágu frá samþykkt þessari fyrir einstaka daga og til þess að sala fari fram í góðgerðaskyni, eða til ágóða fyrir stofnanirnar eða fyrirtæki, sem að dómi hreppstjóra horfa til almenningsheilla.

Brot gegn samþykkt þessari varðar sektum 20—500 krónum og renna sektirnar í sveitarsjóð. Mál út af brotum gegn samþykkt þessari skal reka sem almenn lög-  
reglumál.

*Félagsmálaráðuneytið, 10. apríl 1957.*

F. h. r.

Hjálmar Vilhjálmsson.

*Gunnlaugur Þórðarson.*

## REGLUGERÐ

um breyting á reglugerð nr. 113 30. ágúst 1954, um frjálst mat  
á ýmsum tegundum salt-, sykur- og kryddsíldar.

87

21. maí

## 1. gr.

b. liður 9. gr. reglugerðarinnar orðist svo:

b. Hausuð og slógdregin síld (cut) og hreinsuð síld (split).

Síldin skal vera með öllu óskemmd og líta út fyrir að vera haldgóð, vel hreinsuð og vel unnin og snyrtilega lögð í tunnur. Síldinni hafi verið vel vöðlað í salti (ekki roðtærð eða samlímd) og hæfilega söltuð, með ekki óberandi óbráðnu salti. Hin venjulega vara af þessari tegund skal vera með minnst 23° pækli, en leyfilegt er að gefa matsvottorð fyrir síld með allt niður að 20° pækli, ef síldin er þá örugg. Síld með 20—30° pækli skal merkja á efri botn: LÉTT SÖLTUÐ (MILD CURE), eða með orðum á öðrum tungumálum sömu merk-  
ingar.

Sé síldin umpökkuð skal það gert í samráði við Síldarmat ríkisins, og skal þá kastað frá áberandi rýrum og gölluðum síldum.

Stykkjatölu skal merka á botn tunnu með umpakkaðri síld, þó svo að leiki á 25 stk., t. d. 375—400, 400—425 o. s. frv. Skal stykkjatalan prófuð í a. m. k. 5% af hverri söltunartölu.